

ՀԱՅԿԱԿԱՆ ՍՍՀ ՊԵՏԱԿԱՆ ՄՐՅԱՆԱԿՆԵՐԻ ՇՆՈՐՀՈՒՄԸ

Հայաստանի կոմունիստական կուսակցության Կենտրոնական կոմիտեն և Հայկական ՍՍՀ Միենիստրների սովետը վերջերս 1970—1971 թթ. Հայկական ՍՍՀ պետական մրցանակները շնորհեցին գիտության ու տեխնիկայի բնագավառներում իրենց կատարած աշխատանքներով առավել աչի ընկած մի խումբ աշխատողների:

Գիտության բնագավառում պետական մրցանակի է արժանացել ՀՍՍՀ գիտությունների ակադեմիայի ակադեմիկոս Ա. Ղարիբյանը՝ «Ռուս-հայերեն բառարանը» կազմելու համար: Այդ բառարանը, որ պրոֆ. Ղարիբյանի շուրջ 15-ամյա տնեջան աշխատանքի արդյունքն է, արտահայտում է ռուս գրական լեզվի բառային կազմը: Այն կազմելիս հեղինակն օգտագործել է վերջին հիսնամյակի ռուս բառարանագրության նվաճումները: Նա ընտրել է նիշտ ու հատու օրինակներ բառերի բոլոր նշանակությունների համար, ըստ որում օրինակներն առնված են ռուս գրական հեղինակային տեխնիկայից, այս հանգամանքը բառարանը գերծ է պահում ինքնահանա օրինակներից, մի բան, որից չեն կարողացել խուսափել նախորդ շատ բառարանագիրներ:

Հարյուրամյա ավանդույթներ ունեցող հայ բառարանագրության պատմության մեջ պրոֆ. Ղարիբյանի բառարանը պատվավոր տեղ է զբաղում և, անշուշտ, նպաստելու է ռուս-հայերեն բառարանագրության զարգացմանը, երկար տարիներ սեղանի գիրք է լինելու բազմահազար այն ընթերցողների համար, ովքեր ռուսերենի միջոցով հաղորդակից են լինելու համաշխարհային գիտության ու մշակույթի գանձերին:

Գիտության բնագավառում պետական մրցանակի դափնեկիրներ են դարձել նաև Կենսաբանական գիտությունների թեկնածու, ՀՍՍՀ գյուղատնտեսության միենիստրության խաղողագործության, գինեգործության և պտղաբուծության գիտահետազոտական ինստիտուտի պտղատուների սելեկցիայի և տեսակների ուսումնասիրման բաժնի վարիչ Ս. Ազոլյանը և գյուղատնտեսական գիտությունների թեկնածու, Նույն ինստիտուտի լեռնային պտղաբուծության բաժնի վարիչ Պ. Կարանյանը՝ «Պտղաբուծության գիտական հիմքերի մշակումը և դրանց արմատավորումը Հայկական ՍՍՀ լեռնային բարձրադիր գոտիներում» աշխատության համար:

Տեխնիկայի բնագավառում հանրապետության այդ բարձրագույն պարզեին արժանացել են ստեղծագործական երեք կոլեկտիվներ. Արզնու «Երյուրեղ» արդյունաբերական միավորման դիրեկտոր Ա. Հարությունյանի և Կիրովականի Ա. Մյասնիկյանի անվան ֆիմիական կոմբինատի ֆիզիկա-ֆիմիական լաբորատորիայի վարիչ Վ. Սարգսյանի ղեկավարած կոլեկտիվի անդամները, մետաղահատ հաստոցների փորձնական գիտահետազոտական ինստիտուտի Անդրկովասի մասնաճյուղի դիրեկտոր, տեխնիկական գիտությունների թեկնածու Ս. Կանդայանի ղեկավարած գիտնականների ու ինժեներատեխնիկական աշխատողների խումբը և Ս. Մ. Կիրովի անվան ֆիմիական կոմբինատի նախկին դիրեկտոր, սոցիալիստական աշխատանքի հերոս Ս. Թումանյանի ղեկավարած ինժեներատեխնիկական աշխատողների կոլեկտիվը:

Զ. ՀԱՐՈՒԹՅՈՒՆՅԱՆ

ՀԱՅԱՍՏԱՆԻ ԳՐԱԴՆԵՐԻ ՄԻՈՒԹՅԱՆ ՎԱՐՉՈՒԹՅԱՆ III ՊԼԵՆՈՒՄԸ

Ս. ք. փետրվարի 29-ին երեանի արվեստի աշխատողների տանը կայացավ Հայաստանի գրողների միության վարչության երրորդ սլենդումը, որը լսեց և քննարկեց վարչության առաջին բարտուղար էդ. Թովյանի զեկուցումը՝ «ՍՄԿԿ Կենտրոնական կոմիտեի որոշումը գրական-գեղարվեստական քննադատության մասին և մեր խնդիրները»: ՍՄԿԿ Կենտկոմի որոշումը,

ասում է զեկուցողը, նշեց, որ շնայած կատարված զգալի աշխատանքին, գրական-գեղարվեստական քննադատության ներկա վիճակը չի համապատասխանում կոմունիստական շինարարության պահանջներին: Սովետական գրականության ու արվեստի զարգացման, ազգային կալուստների փոխնարտացման, մարդու գեղագիտական դաստիարակության մեծ տեղաշարժերը չեն զրտ-